



## Kada čovjek umre, prekidaju mu se djela, osim troga: trajne sadake koju je dao, korisnog znanja kojem je nekoga podučio ili dobrog djeteta koje dovi za njega

Od Ebu Hurejre, radijallahu anhu, se prenosi da je Allahov Poslanik, sallallahu alejhi ve sellem, kazao: "Kada čovjek umre, prekidaju mu se djela, osim troga: trajne sadake koju je dao, korisnog znanja kojem je nekoga podučio ili dobrog djeteta koje dovi za njega."

[Vjerodostojan] [Hadis bilježi imam Muslim]

Allahov Poslanik, sallallahu alejhi ve sellem, nas obavještava da djela čovjeku prestaju nakon smrti izuzev u tri slučaja koja traju budući da ih je on uzrokovao: 1. Trajna sadaka poput vakufa, izgradnje džamija, kopanja bunara i tako dalje. Dokle god to traje, upisivat će mu se dobra djela. 2. Znanje koje je od koristi ljudima. Neko može napisati knjigu i podučiti nekoga, pa će on onda širiti to znanje nakon njegove smrti. 3. Dobro i poslušno dijete, vjernik, koje će upućivati dovu Allahu za svoje roditelje.

<https://sunnah.global/hadeeth/bs/show/65566>

